

**Ka Moporesidente  
Henry B. Eyring**

Mogakolodi wa Ntlha mo  
Boporesidenteng jwa Ntlha



# Bopaki le Go sokologa

**G**o nale pharologanyo magareng ga go amogela bopaki jwa boammaaruri le go sokologa ga boammaaruri. Ka sekai, Moaposetolo yo mogolo Petere o ne a fa bosupi jwa gagwe go Mmoloki gore o itse fa Jeso e le Morwa Modimo..

“[Jeso] a re go bone, Mme lona la re Ke mang?”

“Mme Simone Petere a araba mme a re, O Keresete, Morwa Modimo yo o tshelang.

“Mme Jeso a araba mme a re go ene, O lesego, Simone Bar-jona: gone nama le madi ga di a go senolela se, mme Rara yo o kwa legodimong” (Matthew 16:15–17).

Mme kgabagare, mo taolong ya Gagwe go Petere, Morena a mo neela le rona kaedi ya go sokologa ka boammaaruri le go atolosa go sokologa moo ka nako ya botshelo. Jeso o ne a bua ka tsela e: “Fa o sokologile, nonotsha mokaulengwe wa gago” (Luke 22:32).

Jeso o ne a ruta Petere gore go nale go fetotoga mo gogolo mo go tshwanetsweng go feta go nna le bopaki go kgonisa go akanya, go utlwa, le go dira jaaka barutwana ba ba sokologileng ba ga Jeso Keresete. Se ke phetogo e kgolo e rotlhe re e batlang. Fa fela re e amogela, re tlhoka phetogo e go tswelala go fithelela bokhutlo jwa rona mo boitekong jwa go swa (see Alema 5:13–14).

Re a itse mo maitemogelo a rona le mo go lebelelele ba bangwe gore go nna le dinako tse dikgolo tsa thata ya semowa ga go a lekana. Petere o ne a itatola gore o itse Mmoloki morago fa a sena go amogela bosupi ka Moya gore Jeso ke Keresete. Basupi ba Bararo ba Buka ya ga Momone ba ne ba neelwa bopaki jo bo papametseng gore Buka ya ga Momone ke lefoko la Modimo, mme

kgabagare ba palelwa mo bokgoning jwa bone go etleetsa Joseph Smith jaaka Moporofiti wa Kereke ya Morena.

Re tlhoka phetogo mo dipelong tsa rona, jaaka go tlhalositswe mo bukeng ya ga Alema: “Mme botlhe ba bolela go batho dilo tse di tshwanang—gore dipelo tsa bone di fetotswe; gore gabana keletso gotlhelele go dira bosula” (Alema 19:33; see also Mosaeya 5:2).

Morena o re rutile gore fa ka boammaaruri re sokologa mo efangeleng ya Gagwe, dipelo tsa rona di tlaa fetoga gotswa mo bopelotshetlheng mme di fetoge go tirelo ya go tsholetsa ba bangwe jaaka ba ya kwa godimo go botshelo jo bosakhutleng. Go amogela go sokologa moo, re ka rapela le go dira ka tumelo go nna dibopiwa tse disha tse dikgonisitsweng ka Tefo ya ga Jeso Keresete.

Re ka simolola ka go rapelela tumelo go ikotlhaela bopelotshetlha le mpho ya tlhokomela ba bangwe go feta rona. Re ka rapelela thata go baya kwa thoko boikgogomoso le lefufa.

Thapelo e tlaa nna botlhokwa gape le mo go amogeleng mpho ya lorato go lefoko la Modimo le lorato la ga Keresete (see Moronae 7:47–48). Tse pedi tseo di tla mmogo. Jaaka fa re bala, re tlhatlhanya, le go rapelela lefoko la Modimo, re tlaa le rata. Morena o letsenya mo dipelo tsa rona. Jaaka fa re utlwa lorato leo, re tlaa simolola go rata Morena mo go oketsegileng. Ka moo go tlaa tla lorato go ba bangwe le re le tlhokang mo thulaganyong ya go nonotsha bao Modimo a ba bayang mo tseleng ya rona.

Ka sekai, re ka rapelela go lemoga bao Morena a tlaa batlang baanamisa efangele ba ba ruta. Baanamisa Efangele ka botlalo ba ka rapela ka tumelo go itse ka

Moya seo ba ka se rutang le go paka. Ba ka rapela ka tumelo gore Morena o ka ba letla go utlwa lorato la Gagwe go mongwe le mongwe yoo ba kopanang le ene. Baanamisa efangele ga ba kake ba tsa mongwe le mongwe yo ba kopanang le ene go metsi a kolobetso le go mpho ya Moya o o Boitshepo. Mme ba ka nna le Moya o o Boitshepo jaaka mopati. Ka tirelo ya bone le thuso ya Moya o o Boitshepo, baanamisa efangele ka jalo, mo nakong, ba fetolwe mo dipelong tsa bone.

Phetogo eo e tlaa shafadiwa gangwe le gape jaaka bone le rona ka botlhoka bopelotshetlha re tswela mo nakong ya botshelo re dira ka tumelo go nonotsha ba bangwe ka efangele ya ga Jeso Keresete. Go sokologa ga go kake ga nna tiragalo e lengwe kgotsa sengwe seo se ka nna ka paka e le nngwe ya botshelo mme go tlaa nna tiragalo e e tswela. Botshelo bo ka phatsima go fithelela letsatsi la go itekanediwa, fa re tlaa a bona Mmoloki le go lemoga gore re tshwana le Ene. Morena o tlhalositse loeto ka tselo e: "Seo e leng sa Modimo ke lesedi; mme yo o amogelang lesedi, mme a tswela mo Modimong, o amogela lesedi le le ntsi; mme lesedi le gola go phatsima mme le phatsima go fitlha letsatsi la go itekanediwa" (D&C 50:24).

Ke le solofetsa gore go a kgonega go mongwe le mongwe wa rona.

## GO RUTA GO TSWA MOLAETSENG O

Mogolwane David A. Bednar wa Khoramo ya Baaposetolo ba ba Lesome le Bobedi o dirisitse "tshwantshiso ya go boloka" go ruta gore go sokologa ke tiragalo e e tswelang go nale tiragalo e nngwe: Tselana mo tseleng le molawana mo molawaneng, kabonya le go sa palelweng, go kgothatlwa, dikakanyo tsa rona, mafoko a rona le ditiro tsa rona di nna seposengwe le thato ya Modimo" ("Ye Must Be Born Again," *Liahona*, May 2007, 19). Akanyetsa go leba gape tshwantshiso ya go boloka le bao ba rutang.. Mongwe le mongwe wa rona o ka dirang go tswela go ya pele ka tlhomamo mo tiragalong e e tsweleng ya go sokologa eo Moporesidente Eyring le Mogolwane Bednar ba e tlhalositseng?

© 2015 by Intellectual Reserve, Inc. All rights reserved. E gatisitse mo USA. Tetla ya Sekgoa: 6/14. Tetla ya Thanolo: 6/14. Thanolo ya bo *First Presidency Message*, February 2015. Tswana. 12332 763

## BANANA

### Phetogo ya Pelo Yame

Ka Dante Bairado

La antlha fa ke ithuta ka tsosoloso ya efangele ya ga Jeso Keresete, Ke ne ka utlwa Moya o paka ka boammaaruri joo. Ka thapelo, bopaki jwame bone bo nna jone tota, mme Ka swetsa ka go koloba.

Morago ga go koloba game, batho mo wateng yame ba simolola go mpotsa gore Ke ikutlwa jang ka go dira jaaka moanamisa efangele. Go bua boammaaruri, Ke ne ke sa itse tota gore nkareng. Mogopolo wa go tlogela lelwapa lame le sekolo go ya go direla jaaka moanamisa efangele go ne go se botlhale..

Jalo tsatsi lengwe Ka simolola go akanya ka go sokologa game. Ka gakologelwa baanamisa efangele bao ba nthutleng, bao ka boitshoko ba arabileng dipotso tsame le go nthusa go tlhaloganya efangele. Ka lemoga gore kontle ga thuso ya bone, Ke kabo ka gope ke sa lemoga Kereke ya boammaaruri. Ka bonako fela fa Ke lemoga jalo, keletso ya go direla ya runya mo pelong yame. Ke ne ka utlwa Moya o mpoletse gore ke ye o direla jaaka moanamisa efangele ka botlalo.

Ke a itse fa tiro ya go anamisa efangele e le tiro ya Rara wa rona wa Legodimo le gore re ka thusa ka go tsa mewa go kitso e e gakgamatsang ya tsosoloso ya efangele.

*Mokwadi o nna kwa Fortaleza, Brazil.*

## BANA

### A Bopaki Jwa Gago bo Phatsime

Go amogela bopaki go tshwana le go gotsa molelo. Jaaka fela re tshwanelwa ke go oketsa dikgong gore molelo o tswela o tuka, re tshwanetse go rapela, go direla ba bangwe, go ithuta dikwalo, le go tshegetsataelo go thusa mapaki a rona go phatsima.

Go ithuta mo go oketsegile gore o ka aga jang bopaki, bala dikwalo tsa tumelo dingwe le dingwe tse di fa tlase.. Tshwantsha molelo ka kgabo tsa molelo tse tlhano. Taka kgabo ya molelo e le nngwe fa o fetsa go bala Lekwalo la tumelo. Dikwalo tsa tumelo tse dingwe tse o di balang, phatsimo ya molelo—le bopaki jwa gago!

Mosaeya 2:17

3 Nifae 15:10

Alema 5:46

Johane 5:39

Alema 32:27



Tumelo, Lelwapa, Thuso

# Boitsholo jwa ga Jeso Keresete: A sena Sebe

*Ka thapelo ithute tiriso e mme o senke go itse gore o ka abelana eng. Go tlhaloganya botshelo le thomo ya Mmoloki go ka oketsa jang tumelo ya gago mo go Ene le go segofatsa ba o ba lebeleletseng ka thuto ya ketelo? Go bona molaetsa yo montsi, ya ko [reliefsociety.lds.org](http://reliefsociety.lds.org).*

*Se ke karolo ya ditatelano tsa Molaetsa ya Thuto ya Ketelo go akaretsa boitsholo jwa Mmoloki.*

**M**moloki wa rona, Jeso Keresete, ene e le e ne a le esi yoo itekanetseng go dira tefo ya letso la motho. “Jeso Keresete, Kwana e e senang selabe, ka go rata ga gagwe a Ipaya mo aletareng ya setlhabelo mme a duela tlhwathwa ya dibe tsa rona,” ga bua Moporesidente Dieter F. Uchtdorf, Mogakolodi wa Bobedi mo Boporesidenteng jwa Ntlha.<sup>1</sup> Go tlhaloganya gore Jeso Keresete o ne a sena sebe go ka re thusa go oketsa tumelo ya rona mo go Ene lo ikeelela go tshegetsatsa ditaelo tsa Gagwe, ikotlhaya, le go itsheka.

“Jeso e ne ele . . . motho wa nama le moya, mme One a seka letlelela teko (bona Mosaeya 15:5),” ga bua Mogolwane D. Todd Christofferson wa Khoramo ya Baaposetolo ba ba Lesome le Bobedi. “re ka fetogela go Ene . . . gonne o a tlhaloganya. O tlhaloganya tshokolo, mme gape o tlhaloganya ka fa a ka fenyang tshokolo ka teng . . .

“ . . . Thata ya Tefo ya Gagwe e ka sutlha ditlamorago tsa sebe mo

go rona. Fa re ikotlhaya, matlhogonolo a tefo ya Gagwe a re siamisa le go re phepafatsa (see 3 Nifae 27:16–20). Go nna ekete ga re ise re wele, jaaka ekete ga re ise re ineele mo tekong.

“Jaaka fa re leka tsatsi le letsatsi le beke le beke go sala morago tsela ya ga Keresete, mowa wa rona o nna le bogolo, ntwana mo tekanyetsong, le ditoko di emisa go tshwenya.”<sup>2</sup>

## ***Dikwalo tsa Tumelo tse di tlaleletsang***

Matthew 5:48; John 8:7;  
Hebrews 4:15; 2 Nifae 2:5–6

## ***Gotsweng Dikwalong tsa Tumelo***

Mmoloki o duetse tlhwathwa ya dibe tsa rona ka go nna Morwa wa Selegodimo, Botshelo jwa gagwe jo bosenang sebe, go boga ga Gagwe le go re tshololela madi a Gagwe mo Tshimong ya Gesemane, Loso la Gagwe mo sefapaanong le Tsogo ya Gagwe mo baswing go tswa mo lebitleng. Ka Tefo ya ga Jeso Keresete, re ka nna phepa gape jaaka fa re ikotlhaela dibe tsa rona.

Kgosi Benjamin o ne a ruta batho ba gagwe ka Tefo ya ga Jeso Keresete mme a ba botsa fa dumela mo mafokong a gagwe. “Botlhe ba goeletsa ka lentswe le lengwe, ba re: . . . Moya . . . otsisitse phetogo e kgolo mo go rona, kgotsa mo dipelong tsa rona, gore ga rena gotlhelele seemo sa go dira bosula, mme ka go tswelala re dira tshiamo. . . .

“Mme re eletsatsa go tsena mo kgolaganong le Modimo wa rona go dira thato ya gagwe, le go obamela ditaelo tsa gagwe mo dilong tsoitlhe” (Mosaeya 5:1–2, 5).

Le rona re ka nna le “phetogo e kgolo” jaaka batho ba ga Kgosi Benjamin, bao ba sena gotlhelele seemo sa go dira bosula, mme ka go tswelala re dira tshiamo” (Mosaeya 5:1–2, 5).

### **DINTLHA**

1. Dieter F. Uchtdorf, “You Can Do It Now!” *Liahona*, Nov. 2013, 56.
2. D. Todd Christofferson, “That They May Be One in Us,” *Liahona*, Nov. 2002, 71.

### ***Akanyetsa Se***

Go itsheka go farologanye jang le go itekanela?